

3. gr.

Gjaldskrá þessi, sem er samþykkt af bæjarstjórn Grindavíkur, staðfestist hér með samkvæmt 25. gr. laga nr. 7/1998 um hollustuhætti og mengunarvarnir með síðari breytingum og öðlast gildi þegar í stað.

Grindavík, 31. desember 2003.

F.h. Grindavíkurbæjar,

Jón Þórisson fjármálastjóri.

SKIPULAGSSKRÁ

fyrir Styrktarsjóð Halldórs Hansen.

1. gr.

Nafn sjóðsins er Styrktarsjóður Halldórs Hansen. Heimili sjóðsins og varnarþing er í Reykjavík.

2. gr.

Meginmarkmið sjóðsins eru eftirfarandi:

- Að styrkja uppbyggingu og styðja við tónlistarsafn Listaháskóla Íslands.
- Að veita árlega styrk í nafni Halldórs Hansen til eins af tónlistarnemum Listaháskóla Íslands sem náð hefur framúrskarandi árangri að mati sjóðstjórnar.

3. gr.

Stofnfé sjóðsins kemur úr dánarbúi Halldórs Hansen. Fjárhæð stofnfjár miðast við andvirði fasteignar Halldórs Hansen og annarra tilgreindra eigna sem samkvæmt erfðaskrá hans skulu renna til sjóðsins. Þriðjung af andvirði þeirra eigna sem sjóðnum hlotnast samkvæmt erfðaskrá skal sjóðstjórn heimilt að nýta strax til uppbyggingar tónlistarsafns. Tveir þriðju hlutar skulu hins vegar mynda höfuðstól eða stofnfé sjóðsins og skal sú fjárhæð haldast óskert í sjóðnum.

Með ráðstöfun ávöxtunar af stofnfé gildir sú meginregla að 20% hennar gengur til eflingar höfuðstólsins hverju sinni og að hámarki 20% fer til styrkveitingar í nafni sjóðsins.

Stjórn sjóðsins ber ábyrgð á vörslu eigna sjóðsins en henni er þó heimilt að semja við viðurkennda fjármálastofnun, um að annast fjárvörslu og ávöxtun sjóðsins.

Eigi má selja eða veðsetja fasteignir, aðrar en þær sem hér hafa verið tilgreindar, sem kunna að vera í eigu sjóðsins, nema að fengnu samþykki dómsmálaráðherra, að undangenginni umsögn ríkisendurskoðunar.

4. gr.

Tekjur sjóðsins eru vaxtatekjur af stofnfé og öðru fé sem sjóðnum áskotnast. Sjóðurinn veitir viðtöku hvers konar gjöfum og framlögum er einstaklingar, fyrirtæki og félög leggja

fram. Berist gjafafé til sjóðsins skal það fé leggjast við stofnfé og haldast óskert. Nöfn þeirra sem styrkja sjóðinn skulu færð í sérstaka nafnaskrá í vörslu stjórnar.

5. gr.

Stjórn sjóðsins skipa þrír menn. Rektor Listaháskóla Íslands skal vera formaður stjórnar. Hinir tveir skulu skipaðir af stjórn Listaháskóla Íslands til þriggja ára í senn. Varamenn skulu skipaðir með sama hætti. Stjórnarmenn skulu ekki hljóta þóknun fyrir starfa sinn. Stjórn sjóðsins skal tilkynna sjóðaskrá dómsmálaráðuneytisins um það hverjir skipa stjórn sjóðsins hverju sinni.

Við ákvarðanir innan sjóðsins, þ. á m. um úthlutun, ræður einfaldur meirihluti stjórnarmanna. Fundargerðir sjóðstjórnar og allar ákvarðanir hennar skulu skráðar í sérstaka gerðabók sem varðveita skal í samræmi við reglur um varðveislu opinberra skjala. Verði stjórnarmaður vanhæfur samkvæmt reglum stjórnsýsluréttar, skal hann víkja sæti úr stjórn, meðan fjallað er um þann umsækjanda um styrk er olli vanhæfi hans.

6. gr.

Stjórn sjóðsins getur leitað eftir tilnefningum meðal kennara og stjórnenda skólans um væntanlega styrkþega eða auglýst eftir umsóknum um styrk á þeim vettvangi sem nemendur fá upplýsingar hverju sinni. Stjórnin setur nánari reglur um auglýsingar og styrkveitingar í starfsreglum sínum.

7. gr.

Reikningsár sjóðsins er almanaksárið. Sjóðstjórn skal semja reikninga fyrir 1. júní ár hvert og skulu þeir endurskoðaðir af löggiltum endurskoðanda sem stjórnin kveður til.

Stjórn sjóðsins skal eigi síðar en 30. júní ár hvert senda ríkisendurskoðun reikning sjóðsins fyrir næstliðið ár ásamt skýrslu um hvernig fé sjóðsins hefur verið ráðstafað á því ári.

8. gr.

Stjórn sjóðsins getur með einróma samþykki sínu breytt ákvæðum skipulagsskrár þessarar, öðrum en 1. og 2. gr. Breytingar skulu hljóta staðfestingar dómsmálaráðherra. Með sömu skilmálum er heimilt að leggja sjóð þennan niður og skal þá eignum hans ráðstafað á þann hátt sem að mati stjórnar þjónar best tilgangi hans.

9. gr.

Leita skal staðfestingar dómsmálaráðherra á skipulagsskrá þessari í samræmi við lög nr. 19/1988 um sjóði og stofnanir sem starfa samkvæmt staðfestri skipulagsskrá.

Skipulagsskrá þessi ásamt fylgiskjali staðfestist hér með samkvæmt lögum um sjóði og stofnanir sem starfa samkvæmt staðfestri skipulagsskrá nr. 19/1988.

Dóms- og kirkjumálaráðuneytinu, 19. desember 2003.

F. h. r.

Jóhanna Gunnarsdóttir.

Bryndís Helgadóttir.

Fylgiskjal.**Yfirlit um eignir í dánarbúi Halldórs Jóns Hansen, kt. 210627-2529.**

Halldór Jón Hansen lést þann 21. júlí 2003. Samkvæmt erfðaskrá eftir hann, dags. 27. ágúst 2001, skyldi Listaháskóli Íslands erfa eftir hans dag tónlistarsafn hans, fasteign hans og lausafé sem hann hafði ekki ráðstafað sérstaklega. Þann 11. desember 2002 var haldinn stofnfundur í Styrktarsjóði Halldórs Hansen. Samkvæmt 3. gr. skipulagskrárinnar kemur stofnféð úr dánarbúi Halldórs Hansen. Fjárhæð stofnfjár miðast við andvirði fasteignar Halldórs Hansen og annarra tilgreindra eigna sem samkvæmt erfðaskrá hans skulu renna til sjóðsins.

Eftirtalдар eignir renna í Styrktarsjóð Halldórs Hansen:

Fasteignin að Laufásvegi 24, fasteignamat,	kr. 35.923.000
Peningar	kr. 26.073.824
Hlutabréf	kr. 1.285.223
Skuldabréf	kr. 8.965.406
að frádregnum útfararkostnaði	kr. -2.414.503
Samtals	kr. 69.832 950

Samkvæmt áðurnefndri 3. gr. skal sjóðstjórn heimilt að nýta strax þriðjung af andvirði þeirra eigna sem rennur í sjóðinn, til uppbyggingar tónlistarsafns. Tveir þriðju hlutar skulu hins vegar mynda höfuðstól eða stofnfé sjóðsins og skal sú fjárhæð haldast óskert í sjóðnum.

F.h. erfingja Halldórs Hansen,
f.h. Gunnars Jóhanns Birgissonar hrl.
Árnína Steinunn Kristjánsdóttir hdl.